

## Laudatio Andreas Maurer (04.04.2022)

Ein Berner Namens Andres Muurer  
Är isch e Bigler u nid ä Churer  
Ä Chäche Maa mit Chraft u Spöitz  
Vo Ihm het mä nie ghört, uuu mi Röits

Aus Presidänt vom Aute Bäre  
Het är gluegt zum Oug vor Märe  
Ob Oskar Friederich oder Pfarrers Fritz  
S het mängisch g'Fridelet, he nu das Gitz  
Isebahn, Polizei u Fingerhuet

Zmitts derbi mitteme Chratte voll Muet  
2011 het är Übernoh  
Wie simer alli gsi so Froh  
Mit Wütblick u mit stränger Hang  
Het är üs gleitet, grad 12 Jährli Lang

Sis Zwirbele u sis Lottospiel  
Het Priisli gä, gar mängs u Viel  
Ä setigi Vorstandshorde z Führe  
Isch mängisch schwiriger aus ihre Suppe z  
Rühre

Doch wi ig vori scho ha Gseit  
Het är das mit grosser Fassig Treit  
Usflüg plane u Organisiere  
Als Chef muesch o mängisch öppis  
Dürestiere

Aasprache ha vor noble Herre  
Vor Autogrammwünsch het är sich fasch  
nümm chönne wehre  
Itz wott är üs doch eifach Verlah  
Mir müesse ja nid aus Verstah

Doch wie mir alli üse Res tüe kenne  
Wird är zum nächschte Pöschtli Renne  
Briefmarggesammler oder Züchter vo Änte  
Si Manguwaar die Presidänte

Sgeit aus verbi sisch nüüt für Immer  
I paarne Jahr gits hie sicher äs Muurerzimmer  
Mir danke Dir vo ganzem Härze  
Ä Abschied bedütet o immer chli Schmärze

Doch mir wei lache, luschtig Si  
Als Mitglied bliibsch no lang Derbi  
Mir wärde oft no a di Danke  
U üs de denn äs Lächle Schänke

Ufhöre sött me Philosophisch  
Aber nids gäi u o nid Antroposophisch  
Dr nöii Presidänt, dä bravi Ma  
Seit immer: Kunscht isch guet u guet isch  
Prima

Stephan Jost